

欲令衆

欲令衆生開仏知見使得清淨
故出現於世欲示衆生仏知見
故出現於世欲令衆生悟仏知
見故出現於世欲令衆生入仏
知見道故出現於世舍利弗是
為諸仏唯以一大事因緣故出
現於世三界無安猶如火宅衆
苦充滿甚可怖畏常有生老病
死憂患如是等火熾然不息如
來已離三界火宅寂然閑居安
處林野今此三界皆是我有

其中衆生悉是吾子而今此處
多諸患難唯我一人能為救護
我遣化四衆比丘比丘尼及清
信士女供養於法師引導諸衆
生集之令聽法若人欲加惡刀
杖及瓦石則遣變化人為之作
衛護爾時宝塔中出大音聲歎
言善哉善哉釈迦牟尼世尊能
以平等大慧教菩薩法仏所護
念妙法華經為大衆說如是如
是釈迦牟尼世尊如所說者
皆是真實

Wish _____

Name _____

Date _____